

# Torre de Londres

Na Galipedia, a Wikipedia en galego.

A **Torre de Londres** é, oficialmente, *O palacio e fortaleza da súa maxestade, a Torre de Londres*, aínda que o derradeiro gobernante que residiu nela foi Xacobe I (1566-1625).

A Torre Branca, o edificio cadrado con torretas en cada esquina que lle deu o nome ao edificio, atópase no centro dun complexo de diversos edificios á beira do río Támese en Londres. O complexo foi empregado como fortaleza, armería, almacén do tesouro, palacio, palacio de detención, observatorio, refuxio e cárcere, especialmente para prisioneiros de "clase alta". Este último uso converteu a frase "enviar á Torre" en sinónimo de "entrar en prisión". A raíña Isabel I estivo prisioneira aquí durante o reinado da súa irmá María; a derradeira vez que a Torre foi empregada como prisión foi durante a Segunda Guerra Mundial para Rudolf Hess.

## Índice

**Historia**

**Descrición**

**Véxase tamén**

Ligazóns externas

## Historia

A primeira fortificación coñecida no sitio foi unha fortificación romana que Claudio construíu para protexer a cidade de Londinium.

En 1078 Guillermo o Conquistador ordenou a construción da Torre Branca, tanto para protexer aos normandos da poboación de Londres como para protexer á cidade de calquera inimigo. Os primitivos fortes existentes, incluído o romano, eran edificios construídos en madeira, pero Guillermo ordenou que a Torre construíse con pedras traídas especialmente desde Francia. Foi o rei Ricardo Corazón de León quen construíu o foxo ao redor do edificio e encheuno con auga do Támes. O foxo non foi demasiado efectivo ata que Henrique III reconstruíu seguindo unha técnica neerlandesa (en 1830 o foxo foi drenado e atopáronse ósos humanos no fondo).

No século XIII estableceuse na Torre unha casa de feras, probablemente nos inicios de 1204 durante o reinado de Xoán I e, posiblemente, con animais procedentes dunha antiga casa de feras establecida en 1125 polo rei Henrique I no seu palacio preto de Woodstock. A colección de animais abriuse algunhas veces ao público

### Torre de Londres



Vista aérea da Torre de Londres.

#### Patrimonio da Humanidade - UNESCO

<b>País</b>	<span><span></span></span> <u>Reino Unido</u>
<b>Localización</b>	<u>51°30′29″N 00°04′34″O</u>
<b>Tipo</b>	<b>Cultural</b>
<b>Criterios</b>	<u>II, IV</u>
<b>Inscrición</b>	1988 (12º sesión)
<b>Rexión da UNESCO</b>	<u>Europa</u> e <u>América do Norte</u>
<b>Identificador</b>	488 ( <u>http://whc.unesco.org/en/list/488</u> )

durante o reinado de Isabel I. En 1804 a colección abriuse ao público de xeito regular. Aquí foi onde o poeta William Blake viu o tigre que inspirou o seu poema. Os animais trasladáronse ao novo zoolóxico de Londres en 1828. Aínda se conserva unha porta co nome de *porta do león* en honra aos animais que un día residiron na Torre.

A maioría dos criminais comúns eran executados en sitios públicos fóra da Torre; execucións que tamén se fixeron públicas con algunhas personalidades de clase alta como Tomás Moro. Con todo, os nobres e, sobre todo, as mulleres, eran executados de forma privada na Torre Verde, no interior do complexo, e soterrados na *Capela Real de San Pedro ad Vincula*. Algúns dos nobres executados no exterior da Torre están soterrados tamén nesta capela.

Algúns dos executados na Torre acusados de traizón foron:

- William Hastings, barón de Hasting (1483)
- Thomas More, (1535)
- Ana Bolena, (1536)
- Margaret Pole, condesa de Salisbury (1541)
- Xoana Bolena, vizcondesa de Rochford (1542)
- Catarina Howard, (1542)
- Jane Grey, (1554)
- Robert Devereux, conde de Essex (1601)

A lenda di que pódese ver a Ana Bolena, executada por traizón ao rei Henrique VIII, pasear pola Torre coa súa cabeza debaixo do brazo.

O uso militar da Torre como fortificación volveuse obsoleta coa introdución da artillería. Con todo, a Torre serviu como cuartel xeral do departamento de armamento británico ata 1855. Durante a Primeira Guerra Mundial once espías alemáns estiveron prisioneiros na Torre. En 1941 o axudante de Hitler, Rudolf Hess, permaneceu encarcerado na Torre durante catro días.

## Descrición

---

Hoxe a Torre é basicamente unha atracción turística. Ademais dos edificios pódense ver as Xoias da Coroa Británica, unha colección de armaduras reais e restos da muralla romana.

O control da Torre corre a cargo dos Gardas Yeomen, coñecidos popularmente como *Beefeaters*, que actúan como guías turísticos sendo eles mesmos unha atracción. Cada serán os gardas participan na cerimonia das chaves que asegura a Torre durante a noite.

Segundo manda unha antiga tradición, un número determinado de corvos mantense na Torre. Alimentáselles con fondos gobernamentais. Segundo esta lenda, mentres os corvos permanezan na Torre, Inglaterra estará a salvo das invasións. Agás as dos Ingleses.

## Véxase tamén

---

### Ligazóns externas



Exteriores da Torre Branca de Londres.

- [Google Maps \(http://maps.google.es/maps?f=q&hl=es&q=Tower+Hill,+Tower+Hamlets,+Londres+EC3N,+Reino+Unido&sl=51.500455,-0.127244&ssp=0.00352,0.008497&ie=UTF8&cd=1&geocode=0,51.509810,-0.074911&ll=51.508863,-0.075402&spn=0.007038,0.016994&t=h&z=16&iwloc=addr&om=1\)](http://maps.google.es/maps?f=q&hl=es&q=Tower+Hill,+Tower+Hamlets,+Londres+EC3N,+Reino+Unido&sl=51.500455,-0.127244&ssp=0.00352,0.008497&ie=UTF8&cd=1&geocode=0,51.509810,-0.074911&ll=51.508863,-0.075402&spn=0.007038,0.016994&t=h&z=16&iwloc=addr&om=1)



Sentinela na Torre de Londres.



Wikimedia Commons ten máis contidos multimedia na categoría: **Torre de Londres**

---

Traído desde "[https://gl.wikipedia.org/w/index.php?title=Torre\\_de\\_Londres&oldid=5382210](https://gl.wikipedia.org/w/index.php?title=Torre_de_Londres&oldid=5382210)"

---

A última edición desta páxina foi o 13 de febreiro de 2020 ás 14:39.

Todo o texto está dispoñible baixo a licenza [Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.